

BOPHETHAHATSI BA BOHLOKWA BO PHANYEHONG YA TEMOSO

Pretoria, 31 Phupu 2019 – Ditshebeletso tsa Lekgetho tsa Afrika Borwa (SARS) di behile bophethahatsi ba bohlokwa phanyehong ya temoso kajeno la 31 Phupu 2019 mme tsa boela tsa atolosa phanyeho ya mophethahatsi e mong ho itshetlehlilwe hodima ho phethelwa ha metjha ya kgalemo e mabapi le diqoso tse hlokolosi tsa boitshwaro bo bobe.

Bophethahatsi bona ke:

- Mong. Hlengani Mathebula, Ofisiri e ka Sehloohong: *Governance, International Relations, Strategy and Communication*
- Mong. Teboho Mokoena, Ofisiri e ka Sehloohong: *Human Capital & Development*
- Mong. Luther Lebelo, Mophethahatsi wa Sehlopha: *Employee Relations*

Sena ke karolo ya tekolobotjha e ntseng e tswela pele ya boetapele bohle ba SARS ka Khomeshenara ho latela dintlha tse mabapi le puso e ntle, mme ho feta moo, ke ho arabela tlaleho ya Khomeshene ya Dipatlisiso mabapi le Taolo ya Lekgetho le Puso ka SARS, e tsejwang e le “*Nugent Report*”.

Diphanyeho tsena tsa temoso di qala hanghang. Re batla ho toboketsa hore diphanyeho tsena ke tsa temoso mme ka hona ha se diphetho tsa ntho efe kapa efe e phoso lehlakoreng la bona. Diphetho tsa sena di tla fumaneha feela ha metjha ena e se e phethetswe. SARS e kopa hore sephiri sa batho bana ka bongwe ba bona mmoho le sephiri se pakeng tsa mongamosebetsi le mosebetsi di hlomphe. SARS e ke ke ya ntsha maikutlo mabapi le taba ena ho fihlela e phethelwa.